

Hylli i Dritës

Ubi Spiritus Domini, ibi libertas.

(II. ad Cor. III. 17).

1. Nji atentat shurdhë	Fq. 641
2. A jemi shqyptarë a por do të bëhemi?	„ 650
3. Lahuta e Malcís (Lekët)	„ 658
4. Gjurmimet e At Gjeçovit mbi Bogdanin	„ 668
5. Prej librit të Buzukut	„ 671
6. Per „Visarin komtár“	„ 681
7. Vallime Letrare	„ 690
8. Nder lamije të ditunis	„ 695

POSTA E JONË

Pajtimtarve per vjetin 1931.

Me vjetin 1931 fillojm të shtatten vjetë, e kta don me thânë se « HYLLI I DRITËS », qi mas dishmije të dijetarve të mrendshem e të jashtem âsht mâ e mira rivistë shqyptare, ká nji histori të veten: nuk ka nevojë prandej me paraqitë reklame.

Nuk po bâjm, prá, ktû premtime permirsimesh: kto janë nji kujdes i padám i joni e kan me u krye mâ shpejt e mâ me ande, sá mâ me simpatí, qi të ndiqet, sá mâ e madhe të bâhet çeta e pajtimtarve.

Grishim prandej të gjith miqt t' onë me e perhap mâ fort ket të Perkohshme; pajtimi per vjetë të ré ká me kënë gjithnji njaj i perparshmi.

Nji atentat shurdhë.

Nji djalë zotní, shí në lule të djelmnis, bujár e i pasun si mali me borë, dilka nji ditsh dite me shetitë neper gjytet. Veshë e mbathë, e i kerthnestë kah shtati, u bjë rrugave të gjytetit tanë gaz e verë, e pá farë kujdesit: se mâ kurrkund me i shkue mendja, me vû gjân e mâ pak kryet në rrezik. Të gjith e nderojn, të gjith e pershmësin kah pershkohet neper rruga të gjytetit të vet.

Kuer, qe, se ashtû tue u endë djali zotní prej njanës m' tjetren lagje të gjytetit, po del në nji moje të gjanë e të gjatë, kû popull i madh po kishte pasë kënë bashkue. — Kishte dalë lajmi, se anmiku, dyndë m'kamë ushtrín, e mirë merthye nder armë, ishte befaz kah shperthete mbrenda kufinit, e se prandej Atdheu ishte në rrezik. Per ket pûnë Parija e vendit lshoi kushtrimin, e bashkue kishte popullin n'at moje, per t' mledhë e armatisë sa mâ shum burra vullndetarë, qi me i vojtë në nihmë ushtrís, e cilla kishte ngulë kamë te kufini, hovin hasmit per t' i a ndalë. Nji kuvendtar, i zoti e fort shqyptár kah goja, prej nji vendi të naltë e mâ në shêj n'at moje po i bisedote halís mbí detyrë qi ká seicilli gjytetas me i dalë zot Atdhent, per të tue bâ flije gjân e jeten, po e lypi puna. Atý i a behi, at herë, aj djali zotní. Ndalet, vën veshin fjalve e kaq i hîn në trû sendet e punët mbí të cillat ligjirote kuvendtari i logut të gjytetit, sa edhe vetë aj veshet e njeshet e rrokë armët, edhe, krahas me djelmnin tjetër, ni-

